



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé
Medecine
Paris

QUÆSTIO MEDICA*,

QUODLIBETARIIS DISPUTATIONIBUS

manè discutienda in Scholis Medicorum, die Jovis decimâ-octavâ mensis

De cembris, anno Domini M. DCC. LXXXIII.

M^o. STEPHANO GROSSIN DUHAUME,

Doctore Medico, Præside,

An Dysenterix Ipecacuanha?

I.

CORPUS humanum duas tantum, solidas & fluidas, partes
cognoscit; dum inter has adest consensus, sanitas; è contrâ mor-
bus, si discordia; licet omnes totius machinæ conservationi inserviant,
non est (ne credas) in unâquâque dignitas eadem & præstantia; illa
enim spiritus elaborat, in istâ conficitur sanguis; aliæ secretionibus &

* Propugnata anno 1745, a M. Dionysio PAUTIER DE LABREVILLE. M. Ludovico Renate
DESROIS, Præside.

excretionibus dicantur; eâ ratione in Principes & Ministras dividuntur. Principes duas tantum assignant Neoterici, cerebrum & cor; reliquæ dicuntur ignobiles seu ministræ, inter quas primum tenet locum ventriculus coctionis opifex. Hæc membranacea pars instar sacculi cava, in sinistro hypochondrio sita, cibos tritos, jam salivali liquore subactos sinu suo complectitur, atque perfusos gastrico; concoquit; si perfectè, fit laudabilis chylus; unde humorum & solidorum bona diathesis; si verò imperfectè concoquuntur, crassior & pravus nascitur chylus; hinc depravatio sanguinis succique nutritii, partium ametria, à quibus, ferè omnes morbi, præsertim varii alvi fluxus, natales ducunt. Quique morbi à remediis mucagine repletis, vi emeticâ & purgante præditis feliciter curantur.

I I.

UT sanitatis, sic morborum auctor ventriculus audit; vix unus qui sua non illi debeat natalia. Dysenteria à læsâ coctione ventriculi pendet; hæc crudelis affectio, cum tenesmo leviori vel graviore, totiusque ventris torminibus, cruenta, quandoque purulenta describitur egestio, quam pungens & vix sedandus subsequitur dolor. Triplicem sanguinis evacuationem Veteres agnoscebant dysentericam, sed improprie, unica tantum, quam pungens & lacerans concomitatur dolor.

I I I.

DYSENTERIA ab affectâ parte nomen habens, dicitur nonnunquam intestinorum Helcôsis, cujus comites, inflammatio, dolor & febris. Incunte morbo, bilem primum, dein mucosam reddit alvus pituitam, cui subpinguis, dum ulcus adest, succedit materia. Post hæc, ramenta prodeunt interioresve laceræ intestinorum tunicæ; propria tandem illorum abraditur substantia, quæ putris cum purulentâ profluvie prodit. Inter hæc omnia cruor paulatim & brevibus intervallis, per alvum manat, isque modò cum excrementis, modò cum mucosis purulentisve quibusdam corpusculis excernitur. Multus in ano dolor, magna, frequens & inanis sæpè desidendi cupiditas; cum quid exit exiguum, ventris tormina intenduntur, postea mitescunt paululum; rursus acri sæviente humore, pejora redeunt. In quo intestino delitescit malum, ex sanguinis cum facibus commixtione, & ex situ doloris conjicere licet; si suprâ umbilicum sæviant, & exquisita sit commixtio, in tenuibus intestinis focus & minera morbi; si infrâ umbilicum & ferè nulla sit commixtio, in crassioribus latitat. Innumera penè in dysenterico affectu occurrunt symptomata, quæ varia, pro succi peccantis indole; in uno circâ regionem cordis acerrimus dolor, pectoris angustia, anhelitus interceptio, talisque, ut brevi perituum credas; in altero virium

& appetitûs prostratio, nausea, vomitus; in hoc sitis inexplebilis, calor adurens, aut glaciale frigus, syncope; in illo febris intensa, pertinaces vigilæ, anxietas, perturbatio mentis, aliaque id genus. Nullaque remedia adeò feliciter hæc crudelia symptomata compescunt, quàm Ipecacuanha, observatis observandis; etenim ano & cato causam foventem expellit, & partibus mucilaginosi erosas illinit.

I V.

DYSENTERIÆ crudele symptoma, sed non magis pertimescendum, dolor; dum viget, spes adhuc salutis; è contrâ tollitur, si derepentè cesset, superveniente extremorum glaciali frigore, debili existente pulsu, linguâ aridâ & nigrâ, cum frequenti singultu, & calore præternaturali adurente præcordia; tunc temporis conclamatum est; tum sævientis mali periculum, non modò pars declarat affecta, sed & vitiosus humor, ulcerisque cacoëthia. Ulcus si gracili insideat intestino, vix coalescit; crassum, si penitus depascatur, lethale. Ab atrabile natum, sicut cancer occultus infert perniciem. Hujusce dysenterici affectus procatarticæ causæ, cibi, potus & aër, quibus stat hominum vita. Aër vitæ necisque arbiter, si purus, sanitatem conciliat; lædit verò destruitque infectus pravis putrescentium corporum miasmatis, eorumque tetrâ mephiti. Tunc morbus ille contagionis particeps, & popularis epidemicè grassatur, nemini ferè non nocens. Cui pariter morbo immoderatus fructuum horariorum usus, nimia cibi & vini ingurgitatio, vel aquæ, quas liberior aura non verberat, ansam præbent; ex iis præcipuè fontibus manat bilis flava, viridis & atra, sicut acris & falsa pituita, proximæ & internæ affectûs dysenterici causæ.

V.

MULTIPLEX licet Dysentericæ causa, unicum huic expugnandæ medicamen specificum, una medendi methodus. Quæ à bili flavâ vel viridi, bulliente in venis sanguine, pleno pulsu cum acutâ febre, aliisque concomitantibus symptomatis, radici Brasiliensi cedit, celebratâ priùs & repetitâ, si expediat, venæ sectione: cedit pariter illa quæ à falsâ & acri primas infarciante vias pituitâ, ducit originem. Hæc, præstantissimum naturæ munus Brasiliensis Provinciæ incolis concessum, data opportuno tempore, & conveniente dosi dysentericos fluxus alioquè complures potentèr expugnat. Nec mirandi locus: cum stabulantem in stomacho bilem, vel pituitam per superiora, aut utramque in intestina labentem per inferiora repurget: vacuatâ sic peccantium humorum saburrâ mitescit dolor, cessat febris, & adstringitur alvus; ast si diutiùs inhæserint intestinorum fibris peccantes succi, & ulcus his intulerint, radix sola morbo non medetur prorsus: quaproptèr anodyna præsto

sint; proderit enema leniens, detergens & mundificans; confert portio cardiaca somnum concilians; confert & lene catharticum. Quisquis ergo Dysenteriam laborans, & vitæ cupidus, ad radicem Brasiliensem, Ipecacuanha vernaculo nomine dictam, velut ad sacram salutis anchoram confugiat; excellens hoc medicamen, omnibus amicum, pueris prodest, senibusque nec gravidis nocet.

Ergò Dysenteria Ipecacuanha.

DOMINI DOCTORES DISPUTATURI.

M. Joannes-Renatus SIGAULT,
Anatomes & artis obstetricia
Professor, Regia Scientiarum
Academia Divionensi,
Regis Pensionarius.

M. Joannes THAURAUX.

**M. Henricus-Alexander TES-
SIER,** è Regia Scientiarum
Academia.

M. Augustinus THOURET.

M. Maria-Zorobabel MUNIER,
Cousiliarius Medicus Regis
ordinarius, domus Regia In-
validorum Ducum & Mili-
tum, & Antiquus Regis in
Coloniis Orientalibus Me-
dicus.

M. Deodatus JEANROY.

**M. Stephanus-Ludovicus GEOR-
FROI,** Eques, Regi à Consi-
liis & Secretis, Societatis Bo-
tanicae Florentinae, nec-non
Patrioticae Siokolmiensis So-
cius.

**M. Dionysius PAUTIER DE
LABREUILLE** S. Comitum
Gallo-Provinciae Medicus
Primarius.

**M. Natalis-Andreas-Joannes
Baptista CHESNEAU,**

Proponebat Parisiis **ANTONIUS-PETRUS DEMOURS,** Parisinus; Regia
Christianissimi Medicus Ocularius designatus, Doctor Medicus Avenionensis,
nec-non Saluberrimae Facultatis Medicinae Parisiensis Baccalaureus.

A. R. S. H. 1783.

AB OCTAVA AD MERIDIEM.

BIU Santé
Médecine
Paris

Typis **QUILLAV,** Saluberrimae Facultatis Medicinae Typographi. 1783.